

Headlines

1. राष्ट्रपति द्रौपदी मुर्मू होरें आखेआ ऐ जे साइबर अपराध ते जलवायु परिवर्तन मनुक्खी अधिकारें लेई नमीं खतरा बनी गेदे न। उनें सब्बने दे अधिकारें ते मान सम्मान दी हिफाजत लेई बरोबरी आले डिजीटल पर्यावरण गी जकीनी बनाने दा आह्वान कीता।
2. संसद दे दौनें सदनें च लगातार बिघ्न पौनें करी अज्ज लोकसभा ते राज्यसभा दी कारवाई दिने लेई स्थगित करी दित्ती गई।
3. जम्मू-कश्मीर दी सरकार नैकेन्द्र शासत प्रदेश च मजूदा आरक्षण नीति खलाफ शकैतें गी दिक्खदे सुनने लेई मंत्रिमंडल दी त्रुं मिंभरें आली सब कमेटी दा गठन करने दी मंजूरी देई दित्ती ऐ।
4. आईआईटी जम्मू च 11 दिसम्बर गी स्मार्ट इंडिया हैखाथान दी शुरूआत होग।

<><><><><><>

President NHR Day

राष्ट्रपति द्रौपदी मुर्मू होरें सब्बने दे अधिकारें ते मान मर्यादा दी हिमायत गी जकीनी बनाने दे महत्त्व पर जोर पाया ऐ। अज्ज नमीं दिल्ली च मनुक्खी अधिकारें सरबन्धी राष्ट्रीय कमीशन आस्सेआ मनुक्खी अधिकार ध्याड़े पर लोआए गेदे प्रोग्राम च भाषण दिंदे होई राष्ट्रपति होरें आखेआ जे साइबर अपराध ते जलवायु तब्दीली मनुक्खी अधिकारें लेई नमां खतरा ऐ। उनें आखेआ जे डिजीटल युग परिवर्तनकारी ऐ उआं एहदे कन्ने साइबर बदमाशी दिए फेक, गोपनीयता सरबन्धी चैता ते गलत जानकारी फैलने जनेह मसले बी पैदा होई गे न। राष्ट्रपति मुर्मू होरें आखेआ जे भारत नै गरीबी दूर करने, भूखमरी गी खत्म करने ते नोजवानें गी नीतियां लागू करियै दुनिया अगगे मलाल पेश कीती ऐ। उनें आखेआ जे भारत नै अपनी 5 ज्हार ब'रे कोला मती परानी सभ्यता च हमददी, दया ते समुदाय दे अंदर व्यक्तिएं दा आपू'चै जुड़ाह आली कट्रें गी कायम रखे दा ऐ। राष्ट्रपति होरें मनुक्खी अधिकारें दी खलाफवर्जी गी दूर करने, जागरूकता आन्नने ते हाशिये पर पेदे लोके दे अधिकारें गी बनाई रखने लेई नीतिगत तब्दीलिएं दी सफारश करने च यरगर्म भूमका नभाने लेई मनुक्खी अधिकारें सरबन्धी राष्ट्रीय कमीशन दी तरीफ कीती ऐ। इस मौके पर राष्ट्रपति होरें एनएचआरसी दे त्रु प्रकाशके दा विमोचन कीता।

<><><><><><>

Parliament Adjournment

संसद दी दौनें सभाएं च बरोबर गतिरोध बने दे रौहने करियै अज्ज लोकसभा ते राज्यसभा दी कार्यवाही दिने लेई मशकत होई गई। एह इस हफ्ते दा दूआ ध्याड़ा ऐ जेल्लै हूकमरान ते विरोधी धड़े बशकार इक दुए पर इल्जाम लाए गे ते उंदा परता दित्ता गेआ। दौनें सभाएं च सत्ता पक्ष नै कांग्रेस दे लीडरें पर मुख्खे गी बदनाम करने लेई अमरीका दी इक मुख्ख फाउंडेशन कन्ने कथित तौर पर सरबन्ध होने दा इल्जाम लाया। दुए पाससै विरोधी धड़े दे मेंबर भारत दे इक बड्डे कारोबारी समूह पर कथित तौर पर गुल्ल देने दा दोष लाया। संसदीय मामले दे मेंबर दे व्यवहार पर ऐतराज जतायज्ज उनें कांग्रेस पर सभा दी कारवाई बिघ्न पाने दा इल्जाम लाया ते उनेंगी माफी मंगने लेई आखेआ। कांग्रेस दे लीडरें ते अमरीका स्थित जार्ज सोरोस फाउंडेशन बशकार संडगंड होने दा दोष लांदे होई रिजिजू होरें कांग्रेस गी इस मुद्दे पर अपना रुक्ख साफ करने लेई आखेआ। विरोधी धड़े दे मिंभरें सरकार दे खलाफ नारेबाजी कीती ते किश मिंभर सदन च दाखल होई गे। अध्यक्ष होरें दौनें बक्खी दा विरोध करने आले मिंभरें

गी सदन दी मर्यादा बनाई रखने ते कसरवाई चलन देने लेई आखेआ। राज्यसभा च बी सत्ता पक्ष ते विरोधी धड़ें दे मिंबरें बश्कार डंड रौली पेदी रेही। मगरा चेयरमैन जगदीप धनखड़ होरें सदन दी कारवाई गी दिन लेई स्थगित करी दित्ता।

<><><><><><>

Cabinet Sub Committee

जम्मू कश्मीर दी सरकार नै केन्द्र शासित प्रदेश च मजूदा आरक्षण नीति खलाफ शकैतें गर दिखने-सुनने लेई मंत्रिमंडल दी त्रुं मिंबरें आली इक सब कमेटी दा गठन करने दी मंजूरी देई दित्ती। आम प्रशासन मैहकमे आस्सेआ इक आदेश जारी करियै सब कमेटी बनाने दी मंजूरी दित्ती गई ऐ। इस आदेश दे मताबक मंत्री सकीना मसूद इत्तू होर इस सब कमेटी दे मिबर होंगन। एह सब कमेटी मुखमंत्री उमर अब्दुल्ला हुंदी अध्यक्षता आली मंत्रिण दी कौंसल गी अपनी रिपोर्ट जमा करान। मुखमंत्री होरें पिछले म्हीने आखेआ हा जे सरकारी नौकरिण च आरक्षण आले मुद्दे पर सब्बने धड़ें कनै गल्लबात करने लेई मंत्रिमंडल दी सब कमेटी बनाई जाग।

<><><><><><>

Parliament Protest

विपक्षी इंडी गठबंधन दे सांसदे अज्ज इक प्रमुख भारतीय कारोबारी समूह खलाफ कथित रिश्वत आले मामले गी लेइयै संसद भवन परिसर च विरोध प्रदर्शन कीता। इस विरोध प्रदर्शन च कांग्रेस, डीएमके, जेएमएम ते खब्बे धड़े दिण पाहर्टें हिस्सा लैता। लोकसभा च विपक्ष दे नेता राहुल गांधी, कांग्रेस नेता प्रियंका गांधी, झारखंड मुक्ति मोर्चा दे नेता महुआ ते होरने नेताएं विरोध प्रदर्शन च हिस्सा लैता।

<><><><><><>

Anti Drug Rally

नशीले पदार्थ दी माड़ी कबैतु खलाफ इक जुटता जाहर करदे होई विद्यार्थिण ते मकामी गैर सरकारी संगठन आस्सेआ इक रैली कड्डी गई। इस रैली दा मकसद नशीलें पदार्थ दे इस्तेमाल दे माड़े असर बारे लानकार बनाया। एह रैली कटरा दी मुख मुख थाहरें थमां होइयै लंघी। इस रैली च प्रतिभागिण, नशें गी नां आखो। चूस लाईफ, नॉट ड्रग बक्ख-बक्ख स्कूलें ते कालेजें दे विद्यार्थिण, अध्यापकें ते गैर सरकारी संगठने दे स्वयं सेविण हिस्सा लैता। रैली दरान एसएसपी रियासी परमवीर सिंह होरें इस माड़ी कबैतु खलाफ सब्बने गी जागरूक करने पर जोर भरेआ।

<><><><><><>

Kathua Utsav

शिक्षा मैहकमे दे जतनें राएं कला ते संगीत कन्नै जुड़े दे विद्यार्थिएं केन्द्र शासित प्रदेश स्तह दी प्रतियोगिता च हिस्सा लैता। एह कार्यक्रम जम्मू दे सर्कट हाउस कनवेंशन केंटर च होआ। एहदा सरिस्ता जम्मू कश्मीर समग्र शिखा आस्सेआ कीता गेआ। एह प्रतियोगिता 6 बक्ख-बक्ख विधाएं च होई। कठुआ जिले नै बेहतरीन कारकरदगी दस्सी।

<><><><><><>

Jammu-SIH

आईआईटी जम्मू स्मार्ट इंडिया हैखथान 2024 दे फाइनल लेई पूरे तौर उप्पर तैआ ऐ ते इस मौके लेई उत्साह चरम सीमा उप्पर ऐ। आकाशवाणी जम्मू दे संवाददाता दी रिपोर्ट मताबक आईआईटी जम्मू स्मार्ट इंडिया हैखथान 2024 दा आयोजल कल यानि 11 दिसम्बर गी करग। हबना रुके दे 36 घंटे तगर चलने आले इस हैखथान च विद्यार्थिएं दी टीमां ते उंदे गुरु मुख् दे बक्ख-बक्ख थाहरे आइयै पेश औने आली दिक्कतें दे हल बारे बचार करगंन ते इंदे लेई आयोजित प्रतियोगिताएं च हिस्सा लेंगन। इस भव्य हैखथान च सारे मुख् दा 30 टीमां हिस्सा लेंगन। इआं गै आईआईटी जम्मू तरफा बी 3 टीमां हिस्सा लै'रदियां न। आईआईटी जम्मू दियां एह 3 टीमां कर्नाटक, दिल्ली ते गुवहाटी दे नोडल सेंटरें च अपने संस्थान दी नुमांडगी करगंन। स्मार्ट इंडिया हैखथान दे 7में संस्करण दा वर्चुअल उद्घाटन केन्द्रीय शिक्षा मंत्री धर्मेन्द्र प्रधान करगंन। डरैक्टर आईआईटी जम्मू प्रो. मनोज कुमार गौर होने आखेआ जे ओह स्मार्ट इंडिया हैखथान 2024 दे ग्रैंड फिनाइल दी मेजबानी करियै अस गर्व मसूस करा करने आं। उनें आखेआ जे पूरे मुख् च केई सारे प्रतिभाशाली लोक आईआईटी जम्मू आइयै समस्याएं दी निदान ते नमें नमें बचारें दा आदान प्रदान करगंन। उद्घाटन समारोह दे बाद मकाबले दा 36 घंटे तगर चलने आला फाइनल दौर शुरू होग।

<><><><><><>

PM SIH

प्रधानमंत्री नरेन्द्र मोदी होर कल स्मार्ट इंडिया हैखथान 2024 दे ग्रैंड फिनाले च वीडियो कांफ्रेंसिंग राएं युवा इनोवेटरें कन्नै गल्लबात करगंन। ग्रैंड फिनाइले च तकीबन 1300 शा बद्ध विद्यार्थी शामिल होंगन। इस मौके नर प्रधानमंत्री होर किट्ठै गी संबोधत बी करगंन। स्मार्ट इंडिया हैखथान दा 7मां संस्करण कल गल्लबात च 51 नोडल केन्द्रें पर शुरू होग। साफ्टवेयर संस्करण बिजन रुके दे 36एं घंटे तगर लगातार चलोग जिसलै के हार्डवेयर संस्करण 15 दिसम्बर तोड़ी जारी रौहग।

<><><><><><>

Nabard Visit

खुराक, सिविल स्पलाई ते उपभोक्ता मामले ते ट्रांसपोर्ट मैहकमे दे मंत्री सतीश शर्मा होरें अज्ज नाबार्ड दे जम्मू कश्मीर दे इलाकाई दफतर दा दौरा लाया। मंत्री होरें गी नाबार्ड आस्सेआ जम्मू कश्मीर दे विकास च तेजी आनने ते ग्राएं हपंडें दे समुदाय दे लोकें दे जीवन स्तर गी उबड़ा चुक्कने लेई शुरू कीती गेदी पैहलकदमिं बारे दस्सेआ गेआ। मंत्री होरें नाबार्ड दे मकसद गी पूरा करने ते निरंतरता च पेश आने आली अड़चने बारे तफसील कन्नै जायजा लैता। मंत्री होरें

नाबार्ड दी पैहलकमिएं च दिलचस्पी जाहर कीती ते जम्मू कश्मीर च नाबार्ड आस्सेआ चलाए जा करदे कम्में दी तरीफ कीती। सतीश शर्मा होरें जम्मू कश्मीर दे विकास च नाबार्ड दे योगदान च सरकार समर्थन दा भरोसा दित्ता।

<><><><><><>

GMC Udhampur

सरकारी मैडिकल कालेज उधमपुर गंदे खून गी साफ खून कन्नै बदलने सरबंधी जीएमसी उधमपुर दे विभाग आस्सेआ जीएमसी उधमपुर दे कांफ्रेंस हाल च इस सरबंधे च इक सिखलाई कार्यक्रम दा आयोजन कीता गेइ। सम्मेलन दा उद्घाटन गौरमेंट मेडिकल कालेज दे प्रिंसिपल प्रो. डॉ. मृत्युजय होरें कीता। इस कार्यक्रम च 100 शा मते प्रतिनिधिएं हिस्सा लैता जिंदे च सेहत सरबंधी संस्थाने थमां डाक्टर, नर्स ते तकनीकी अमला बी शामिल हा।

<><><><><><>

White Night Corps

व्हाईट नाईट कोर दे जीओसी लैफ्टिनेंट जनरल नवीन सचदेवा होरें डोडा जिले च सुरक्षा स्थिति ते कम्में कारवाइएं दा जायजा लैता। आकाशवाणी जम्मू संवाददाता दी रिपोर्ट मूजब इस मौके उंदे कन्नै सीआईएफ डेल्टा दे जीओसी होर बी मजूद हे। दौनें डोडा सेक्टर दी किजाई दा दौरा लाया ते सुरक्षा तैआरिएं ते होरने कारवाइएं दा जायजा लैता। उत्थें तैनात बलें दी उनें सराहना कीती ते उनेंगी सारे कम्में कारवाइएं दरान उच्च मानकें गी बनाई रखने दी महत्ता गी उजागर कीता।

<><><><><><>